

dicións autorizados con anterioridade á súa entrada en vigor, serán as que resulten en cada caso de aplica-los criterios establecidos no artigo 6.2.

2. En caso de que un prego de condicións xa autorizado antes da entrada en vigor deste real decreto deba ser adaptado ó disposto nel, a autoridade competente establecerá un prazo para iso que en ningún caso poderá ser superior a un ano desde a súa entrada en vigor.

Disposición derogatoria única. *Derrogación normativa.*

Derrógase o Real decreto 2071/1999, do 30 de decembro, polo que se establecen normas internas de aplicación dos regulamentos comunitarios sobre o sistema de etiquetaxe da carne de vacún, e calquera outra norma de igual ou inferior rango que se opoña ó establecido neste real decreto.

Disposición derradeira primeira. *Facultade de desenvolvemento.*

Facúltanse os ministros de Agricultura, Pesca e Alimentación e de Sanidade e Consumo, no ámbito das súas competencias, para adoptaren as medidas necesarias para a aplicación do disposto neste real decreto.

Disposición derradeira segunda. *Títulos competenciais.*

Este real decreto dítase de conformidade co disposto no artigo 149.1.13.^a e 16.^a da Constitución, que lle atribúe ó Estado competencia exclusiva en materia de bases e coordinación da planificación xeral da actividade económica e bases e coordinación xeral da sanidade e da sanidade exterior.

Disposición derradeira terceira. *Entrada en vigor.*

Este real decreto entrará en vigor o día seguinte ó da súa publicación no «Boletín Oficial del Estado».

Dado en Madrid o 12 de decembro de 2003.

JUAN CARLOS R.

O vicepresidente segundo do Goberno
e ministro da Presidencia,
JAVIER ARENAS BOCANEGRA

ANEXO I

Denominación de venda

Denominación de venda aplicable á carne de vacún en relación coa categoría do animal establecida en función do seu sexo e idade:

Denominación de venda	Sexo	Idade
Tenreira. Anello.	Macho ou femia. Macho ou femia.	Ata 14 meses. Maior de 14 ata 24 meses.
Xovenco ou xovenca. Cebón.	Macho ou femia. Macho castrado.	Maior de 24 ata 48 meses. Menor ou igual a 48 meses.
Boi. Vaca. Touro.	Macho castrado. Femia. Macho.	Maior de 48 meses. Maior de 48 meses. Maior de 48 meses.

MINISTERIO DE FACENDA

23507 *ORDE HAC/3578/2003, do 11 de decembro, pola que se desenvolve o Regulamento xeral de recadación na redacción dada polo Real decreto 1248/2003, do 3 de outubro, e se modifica a Orde do 15 de xuño do 1995, en relación coas entidades de depósito que prestan o servizo de colaboración na xestión recadatoria. («BOE» 306, do 23-12-2003.)*

A Lei 1/1998, do 26 de febreiro, de dereitos e garantías dos contribuíntes (BOE do 27 de febreiro), no seu artigo 20, dispón expresamente que a actuación da Administración tributaria ten que estar encamiñada a facilitarles en todo momento ós contribuíntes o cumprimento das súas obrigas fiscais de forma que, cando se requira a súa intervención, esta resulte o menos gravosa posible.

Un modo esencial de axusta-la actuación administrativa a este principio rector consiste en xeneralizar todo o posible o pagamento das débedas tributarias a través das entidades de depósito autorizadas para actuar como colaboradoras na xestión recadatoria, relegando a un carácter meramente excepcional e residual aqueles casos en que o ingreso no servizo de caixa resulte obrigatorio.

Posto que a inmensa maioría das entidades financeiras que operan en territorio nacional teñen a condición de colaboradoras, a implantación desta medida traducirase nun grande aumento do número de oficinas en que os contribuíntes poderán realiza-los seus respectivos ingresos.

En consonancia con esta filosofía debe entenderse a recente modificación do Regulamento xeral de recadación levada a cabo polo Real decreto 1248/2003, do 3 de outubro (BOE do 15 de outubro), que, en primeiro lugar, determina que o importe das liquidacións practicadas pola Administración como consecuencia de débedas de comercio exterior, que ata agora se debía ingresar obrigatoriamente nas caixas das aduanas, se realizarán a través das entidades colaboradoras.

Por outra banda, a aludida modificación regulamentaria veu habilita-las entidades colaboradoras para admitir todo tipo de ingresos, coa única excepción daqueles que o ministro de Facenda determine expresamente que deban realizarse a través do servizo de caixa. Na actualidade non existen razóns que xustifiquen que deban ingresarse con carácter obrigatorio no servizo de caixa ningunha declaración-liquidación, autoliquidación ou liquidación practicada pola Administración. Por iso, esta disposición non establece suposto ningún neste sentido, de xeito que, a partir da súa entrada en vigor, todos estes ingresos serán realizados a través das entidades colaboradoras.

Sen embargo, para que se poidan efectuar nas ditas entidades tanto os ingresos procedentes das débedas de comercio exterior coma aqueles que, con anterioridade á mencionada modificación do Regulamento xeral de recadación, se tiñan que realizar no servizo de caixa, resulta imprescindible levar a cabo unha serie de adaptacións instrumentais, documentais e técnicas que permitan a execución práctica da previsión considerada.

En tal sentido, esta orde ministerial establece un novo modelo de carta de pagamento para formaliza-lo ingreso das liquidacións practicadas pola Administración relativas a débedas de comercio exterior, denominado modelo 031.

Co fin de recolle-los cambios anteriormente sinalados, cómpre modifica-las disposicións e as especificacións

técnicas contidas na Orde ministerial do 15 de xuño de 1995, que desenvolve o Regulamento xeral de recadación, na redacción dada a este polo Real decreto 448/1995, do 24 de marzo, en relación coas entidades de depósito que actúan como colaboradoras na xestión recadatoria (BOE do 22 de xuño). Na dita orde establécese un procedemento centralizado tanto para que as entidades ingresen no Tesouro as cantidades recadadas como para o envío á Administración tributaria da información relativa ós documentos recadados nas súas respectivas sucursais.

A experiencia acumulada desde a implantación deste procedemento permite afirmar que este tivo importantes vantaxes, sendo de destaca-la simplicidade das comunicacións, a axilidade na transmisión da información e a inmediateza no coñecemento do ingreso realizado polas entidades na conta do Tesouro, que contribúen a unha mellor xestión dos ingresos por parte da Administración tributaria, o que indubidablemente beneficia tamén os contribuíntes.

Por último, esta orde desenvolve o réxime dos ingresos nas aduanas a que se refire o artigo 81.3 do Regulamento xeral de recadación, na redacción dada a este polo Real decreto 1248/2003, do 3 de outubro (BOE do 15 de outubro).

En virtude de todo o anteriormente exposto, este ministerio dispuxo:

Primeiro. *Aprobación da carta de pagamento código 031-Débedas de comercio exterior.*—As liquidacións practicadas pola Administración, relativas a débedas de comercio exterior, serán ingresadas mediante o modelo de carta de pagamento, código 031, que se axustará ás especificacións técnicas que se recollen no anexo VI da Orde do 15 de xuño do 1995, pola que se desenvolve parcialmente o Regulamento xeral de recadación, que se modifica no punto seis da disposición adicional primeira desta orde.

O importe desta carta de pagamento deberá ser ingresado obrigatoriamente nas entidades de depósito que actúan como colaboradoras na xestión recadatoria, agás o disposto no punto sétimo desta orde.

Segundo. *Comunicación anticipada á Axencia Estatal de Administración Tributaria dos ingresos de liquidacións de débedas de comercio exterior.*—Unha vez efectuado o ingreso das débedas de comercio exterior resultantes das liquidacións practicadas pola Administración, o obrigado poderalle comunicar anticipadamente á Axencia Estatal de Administración Tributaria a realización do pagamento, para efectos de que esta proceda, se é o caso, á cancelación das garantías e demais medidas cautelares adoptadas ó respecto.

A aludida comunicación poderase levar a cabo mediante a exhibición ante o órgano administrativo competente do correspondente xustificante do ingreso realizado. Así mesmo, esta comunicación poderá realizarse pola internet na páxina web da Axencia Estatal de Administración Tributaria (www.axenciatributaria.es), introducindo o número de referencia completo (N.R.C.) subministrado por petición do obrigado pola entidade de depósito en que se efectuase o ingreso, de acordo co disposto na Orde do 28 de decembro de 2000, pola que se outorga o carácter de xustificante de pagamento a determinados documentos emitidos polas entidades de depósito (BOE do 3 de xaneiro de 2001).

Cando ó xera-lo N.R.C. a entidade colaboradora incorrese en erros, o obrigado ó pagamento porá a incidencia en coñecemento da oficina que practicou a liquidación que desexa ingresar. A devandita oficina, unha vez realizadas as comprobacións oportunas, entregaralle ó obrigado un documento que autorizará expresamente a inmediata anulación do N.R.C. indebidamente xerado. Con base nese documento, que deberá ser entregado

polo obrigado á entidade colaboradora, esta procederá tanto á anulación do N.R.C. erróneo como á retrocesión da operación de ingreso que motivou a súa xeración.

No caso de que o obrigado non lle comunicase anticipadamente á Axencia Tributaria o ingreso realizado, as garantías e demais medidas cautelares afectas ó pagamento da débeda non serán canceladas ata que a entidade de depósito receptora do ingreso remita á Administración tributaria tanto a información coma o importe do citado ingreso, de acordo co establecido na Orde do 15 de xuño do 1995.

Terceiro. *Lugar de ingreso das declaracións-liquidacións e autoliquidacións tributarias.*—Tódalas declaracións-liquidacións e autoliquidacións que se inclúen nos anexos I e II da Orde do 15 de xuño de 1995, modificados polos puntos catro e cinco da disposición adicional primeira desta orde, deberán ser ingresadas nas entidades de depósito que actúan como colaboradoras na xestión recadatoria, con independencia de se o ingreso se efectúa dentro ou fóra dos prazos establecidos pola normativa propia de cada tributo.

Excepto nos casos en que a normativa propia de cada tributo dispoña outra cousa, a declaración-liquidación ou autoliquidación deberá levar adheridas as etiquetas identificativas facilitadas para o efecto pola Axencia Estatal de Administración Tributaria.

No caso de que, por autorizalo expresamente a normativa propia do tributo que corresponda, se presenten declaracións-liquidacións ou autoliquidacións que carezan de etiquetas identificativas, o obrigado deberá consignar no documento o seu número de identificación fiscal (NIF) ou, en caso de que se trate dunha persoa física, o número do seu documento nacional de identidade (DNI). Así mesmo, a entidade esixirá a consignación do nome e apelidos ou razón social do obrigado.

Naqueles casos en que a normativa propia dun tributo lle permita ó suxeito pasivo domicilia-lo pagamento nas entidades colaboradoras, a entidade que reciba a orde de domiciliación deberá comprobar que o suxeito pasivo é titular da conta en que se domicilie o pagamento e que a dita conta se encontra aberta nesa entidade.

En ningún caso producirán efectos aquelas ordes de domiciliación que os suxeitos pasivos presenten ante as entidades colaboradoras fóra dos prazos que establece en cada caso a normativa propia dos tributos.

Cuarto. *Lugar de presentación das solicitudes de devolución por transferencia resultantes de declaracións-liquidacións e autoliquidacións tributarias.*—Tódalas solicitudes de devolución por transferencia que resulten das declaracións-liquidacións e autoliquidacións que se inclúen no anexo VIII da Orde do 15 de xuño de 1995, modificado no epígrafe oito da disposición adicional primeira desta orde, poderán ser presentadas nas entidades de depósito que actúan como colaboradoras na xestión recadatoria, con independencia de se a presentación se realiza dentro ou fóra dos prazos establecidos pola normativa propia de cada tributo.

Excepto nos casos en que a normativa propia de cada tributo dispoña outra cousa, a declaración-liquidación ou autoliquidación deberá levar adheridas as etiquetas identificativas facilitadas para o efecto pola Axencia Estatal de Administración Tributaria.

No caso de que, por autorizalo expresamente a normativa propia do tributo que corresponda, se presenten declaracións-liquidacións ou autoliquidacións que carezan de etiquetas identificativas, o obrigado deberá consignar no documento o seu NIF ou, en caso de que se trate dunha persoa física, o número do seu DNI. Así mesmo, a entidade esixirá a consignación do nome e apelidos ou razón social do obrigado.

En todo caso, a entidade colaboradora deberá verificar que a conta designada polo suxeito pasivo para

recibi-la devolución é da súa titularidade e se encontra aberta na entidade.

Quinto. *Lugar de ingreso das liquidacións practicadas pola Administración.*—Tódalas débedas procedentes de liquidacións practicadas pola Administración deberán ser ingresadas nas entidades de depósito que actúan como colaboradoras na xestión recadatoria, sempre que o importe do pagamento coincida co importe a ingresar que figura no documento. En caso contrario, o obrigado deberá obter previamente da Axencia Estatal de Administración Tributaria unha carta de pagamento por importe do ingreso que vaia realizar.

Sexto. *Actuación de entidades colaboradoras nos locais das delegacións e/ou administracións da Axencia Tributaria.*—A Axencia Estatal de Administración Tributaria poderá autorizar que unha ou varias entidades colaboradoras poidan recadar ingresos nos locais das súas delegacións e/ou administracións.

Tanto a operación de ingreso no Banco de España das cantidades recadadas por parte destas entidades a que se refire o parágrafo anterior, como o fornecemento da información de detalle destes ingresos á Axencia Estatal de Administración Tributaria rexeráse, con carácter xeral, polo establecido polo Regulamento xeral de recadación e nas súas normas de desenvolvemento en materia de entidades colaboradoras.

Autorízase o presidente da Axencia Estatal de Administración Tributaria para establecer, mediante resolución, procedementos especiais cando, dada a natureza da débeda, esta non se poida ingresar de acordo co procedemento xeral previsto para as entidades colaboradoras.

Sétimo. *Ingresos e pagamentos nas caixas das aduanas.*—Nas caixas das aduanas, logo de autorización do delegado da Axencia Estatal de Administración Tributaria, poderanse efectuar ingresos polo despacho de expedicións conducidas polos viaxeiros cando se produzan fóra do horario de apertura das entidades de depósito que actúan como colaboradoras na xestión recadatoria, ou estas se encontrasen en lugares distantes das oficinas da Aduana e, en todo caso, polos depósitos constituídos por importacións temporais dos bens e efectos conducidos por estes.

Os ingresos derivados dos despachos en réxime de viaxeiros practicados o día laborable anterior serán efectuados nalgunha entidade de depósito na forma que se establece no punto primeiro desta orde para as liquidacións relativas a débedas de comercio exterior.

O saldo, ingresos menos devolucións, das operacións de importación temporal realizadas o día laborable anterior será ingresado na conta aberta para o efecto nunha entidade de depósito a nome da dependencia ou administración de aduanas de que se trate.

O delegado da Axencia Estatal de Administración Tributaria poderá autoriza-la fixación dun fondo para a devolución dos depósitos en efectivo por importacións temporais naquelas caixas en que se prevexan devolucións superiores ós ingresos obtidos por este concepto.

Disposición adicional primeira. *Modificacións á Orde ministerial do 15 de xuño do 1995, pola que se desenvolve parcialmente o Regulamento xeral de recadación na redacción dada a este polo Real decreto 448/1995, do 24 de marzo, en relación coas entidades de depósito que prestan o servizo de colaboración na xestión recadatoria.*

Un. As alíneas a) e b) do epígrafe 2, capítulo I «Disposicións xerais» quedan redactadas do seguinte xeito:

a) «Tesouro Público. Conta restrinxida de colaboración na recadación da AEAT de declaracións-liquidacións

ou autoliquidacións». Nesta conta recolleranse os ingresos que resulten de declaracións-liquidacións ou autoliquidacións formuladas nos modelos regulamentariamente establecidos que figuran como anexo I.

b) «Tesouro Público. Conta restrinxida de colaboración na recadación da AEAT de declaracións-liquidacións ou autoliquidacións especiais». Nesta conta recolleranse os ingresos que resulten das declaracións-liquidacións ou autoliquidacións formuladas nos modelos regulamentariamente establecidos que figuran como anexo II.

c) «Tesouro Público. Conta restrinxida de colaboración na recadación da AEAT de liquidacións practicadas pola Administración e outros ingresos non tributarios e da Caixa Xeral de Depósitos». Nesta conta recolleranse os ingresos que resulten de liquidacións practicadas pola Administración, tanto en período voluntario coma en vía executiva, así coma os ingresos procedentes de embargos e outros ingresos non tributarios e da Caixa Xeral de Depósitos.

Dous. O epígrafe 4 do capítulo I «Disposicións xerais» queda redactado como segue:

«4. Solicitudes de devolución.—As entidades colaboradoras deberán admiti-las autoliquidacións con solicitude de devolución cando así o dispoña a normativa propia de cada tributo e só no caso de que se solicite a devolución mediante transferencia.»

Tres. Os parágrafos segundo e terceiro do capítulo IV, «Presentación de información relativa a solicitudes de devolución por transferencia e a declaracións do imposto sobre a renda das persoas físicas con resultado para ingresar ou para devolver igual a cero, como consecuencia da aplicación do epígrafe 6 do artigo 80 da Lei 40/1998, do 9 de decembro, do imposto sobre a renda das persoas físicas e outras normas tributarias» quedan redactados como segue:

«As entidades transmitirán vía teleproceso ó Departamento de Informática Tributaria a información relativa ás solicitudes de devolución por transferencia nos seguintes prazos:

No caso de solicitudes de devolución presentadas dentro de prazo, a transmisión efectuarase ós dez días do vencemento deste.

No caso de solicitudes de devolución presentadas fóra de prazo e as correspondentes ó imposto sobre sociedades, a transmisión será realizada nos dez primeiros días do mes seguinte a aquel en que se presentase a declaración.»

Catro. O anexo I, «Código 021 autoliquidacións» queda redactado do xeito seguinte:

Modelo	Denominación	Períodos de ingreso
044(1)	TAXA CASINO DE XOGO-CASINOS	T
045(1)	TAXA MÁQUINAS RECREATIVAS	T
100	IRPF - DECLARACION ANUAL	OA
102	IRPF - SEGUNDO PRAZO	OA
110	IRPF RETENCIONS E ING. Á CTA. RENDEMENTOS DO TRABAJO. ACTIV. ECON. PREMIOS E DETERMINADAS IMPUTACIONES DE RENDAS	T
130	IRPF PAGAMENTO FRACCIONADO. ACTIVIDADES ECONOMICAS EN ESTIMACION DIRECTA	T

Modelo	Denominación	Períodos de ingreso
131	IRPF PAGAMENTO FRACCIONADO. ACTIVIDADES ECONÓMICAS EN ESTIMACIÓN OBXECTIVA	T
200	IS. DECLARACIÓN ANUAL	0A
201	IS. DECLARACIÓN ANUAL SIMPLIFICADA.	0A
202	IS. PAGAMENTO FRACCIONADO	1P,2P,3P
206	I. RENDA NON RESIDENTES (ESTABL. PERMANENTE)	0A
210	IR NON RESIDENTES SEN EST. PERMANENTE. DECL. ORDINARIA	0A
211	IR NON RESIDENTES. RET. ADQ. DE INM. A NON RESIDENTES SEN EP	0A
212	IR NON RESIDENTES. RENDAS DER. DE TRANS. DE INMOBLES	0A
213	GRAVAME ESPECIAL SOBRE INM. DE ENTIDADES NON RESIDENTES	0A
214	IP E IR NON RESIDENTES. DECL. SIMPLIFICADA	0A
215	IR NON RESIDENTES SEN EST. PERMANENTE. DECL. COLECTIVA	T
300	IVE DECLARACIÓN TRIMESTRAL	T
309	IVE DECL. LIQUID. NON PERIÓDICA	0A
310	IVE REX. SIMPLIFICADO	1T,2T,3T
311	IVE REX. SIMPLIFICADO. DECL. LIQUIDACIÓN FINAL	4T
370	IVE REX. XERAL E SIMPLIFICADO. DECLARACIÓN TRIMESTRAL ORDINARIA	1T,2T,3T
371	IVE REX. XERAL E SIMPLIFICADO. DECLARACIÓN FINAL	4T
380	IVE EN OPERAC. ASIMILADAS A IMPORTACIONES	M, T, 0A
440	IMPOSTO XERAL DO TRÁFICO DE EMPRESAS	T
565	I.E. S/DETERMINADOS MEDIOS DE TRANSPORTE	0A
567	I.E. S/DETERMINADOS MEDIOS DE TRANSPORTE	0A
600 (2)	TRANSMISIONS PATRIMONIAIS	0A
610(2)	ACT. XURID. RECIBOS NEGOCIADOS EE.CC.	0A
615(2)	ITP e AXD. DOCS. CON ACCIÓN CAMBIARIA OU ENDOSABLES Á ORDE	0A
620(2)	COMPRAVENDA VEHIC. USADOS ENTRE PARTIC.	0A
630(2)	ACTOS XURÍDICOS DOCUMENTADOS ...	0A
650(2)	I. SUCESIÓNS E DOAZÓNS. MORTIS CAUSA ORDINARIA	0A
651(2)	I. SUCESIÓNS E DOAZÓNS. INTERVIVOS.	0A
652(2)	I. SUCESIÓNS E DOAZÓNS. MORTIS CAUSA SIMPLIFICADA	0A
696	TAXA XUDICIAL	0A
714	I. SOBRE O PATRIMONIO	0A
777	DECLARACIONES-LIQUIDACIONES EXTEMPORÁNEAS E COMPLEMENTARIAS ...	0A

(1) Soamente nalgunhas comunidades.

(2) Cando a xestión lle corresponda ó Estado.

Cinco. O anexo II, «Código 022 autoliquidacións especiais» queda redactado do xeito seguinte:

Modelo	Denominación	Períodos de ingreso
111	IRPF. RETENC. E ING. Á CTA. GRANDES EMPRESAS	M
115	IRPF e IS. RETENCIONS POR RENDEMENTOS DE ALUGAMENTO DE INM. URBANOS	M-T

Modelo	Denominación	Períodos de ingreso
117	IRPF, IS e IR NON RESI. RETENCIONS POR TRANSM. DE PARTICIPACIONES EN INSTITUCIONES DE INVERTEMENTO COLECTIVO	M-T
123	RET. CAP. MOB. (EXCEPTO INT. E IMPLIC.).	M-T
124	RET. CAP. MOB. REND. IMPLICITOS XERAL	M-T
126	RET. CAP. MOB. XUROS	M-T
128	IRPF, IS, RTOS. DO CAPITAL MOBILIARIO DE OPERACIONES. DE CAPITALIZACION E CONTRATOS DE SEGURO DE VIDA E INVAL.	M-T
216	IR RETENCIONS NON RESIDENTES SEN EST. PERMANENTE	M-T
218	IS E IR NON RESIDENTES PAGAMENTO FRACCIONADO GRANDES EMPRESAS.	1P,2P,3P
220	IS. RÉXIME GRUPOS FISCAIS	0A
222	IS. PAGAMENTO FRACCIONADO GRUPOS FISCAIS	1P,2P,3P
320	IVE GRANDES EMPRESAS	M
330	IVE EXPORTADORES	M
332	IVE EXPORT. G. EMPRESAS	M
430	IMPOSTO SOBRE AS PRIMAS DE SEGUROS	M
560	IMPOSTO SOBRE A ELECTRICIDADE	M-T
561	IMPOSTO SOBRE A CERVEXA	M-T
562	IMPOSTO SOBRE PRODUCTOS INTERMEDIOS	M-T
563	IMP. SOBRE O ALCOHOL E BEBIDAS DERIVADAS	M-T
564	IMPOSTO SOBRE HIDROCARBUROS	M
566	IMPOSTO SOBRE OS ELABORADOS DO TABACO	M
569	I. VENDAS RETALLISTAS DE HIDROCARBUROS	T

Seis. O epígrafe 2.7 do anexo VI «Presentación centralizada. Ingresos entidades colaboradoras. Especificacións técnicas», queda redactado do xeito seguinte:

«2.7 Deseño do rexistro de detalle de ingresos SIR (tipo-3)

Posic.	Tipo	Descrición
1-1	Núm.	Tipo de rexistro. Ten o valor 3.
2-8	Núm.	Número de secuencia do rexistro de detalle, na E.C. o primeiro rexistro de detalle terá o valor 00000001.
9-11	Núm.	Código del modelo: 002 = Obriga de aboamento AEAT. 003 = Dilixencia de embargo de contas. 004 = Talóns de actas. 008 = Documentos de ingreso asociados a dilixencias de embargo. 010 = Documentos de ingreso parcial ou fóra de prazo. 012 = Obriga de aboamento Delegación de Economía e Facenda. 031 = Débedas de comercio exterior. 060 = Ingresos Caixa Xeral de Depósitos. 061 = Cotas de dereitos pasivos. 069 = Outros ingresos non tributarios.

Posic.	Tipo	Descrición
12-29	Alf.	Clave do xustificante de ingreso (aliñada pola esquerda). Configuración: Para os modelos 002, 003, 004, 008, 010, 012 e 031. Pos. 1-2: Código Delegación (01-99). Pos. 3-4: Dous últimos díxitos do ano de emisión. Pos. 5-6: Tipo de xustificante. Pos. 7-12: Numérico. Pos. 13: Carácter de control *. Resto: brancos. Para os modelos 060, 061 e 069. Pos. 1-12: Numérico. Pos. 13: Carácter de control *. Resto: brancos.
30-37	Núm.	Data do ingreso (AAAAMMDD).
38-50	Núm.	Importe do ingreso en céntimos de euro.
51-54	Núm.	Sucursal do ingreso.
55	Alf.	En branco.
56-64	Alf.	NIF do debedor.
65-90	Alf.	Filler (a brancos).

* Modelos 002, 004, 010, 012, 031, 060, 061 e 069. O importe do ingreso súmase ó número formado polas posicións 1 a 12. Do número obtido calcúlase o díxito de control co mesmo algoritmo ca no NIF.

Modelos 003 e 008. Do número formado polas posicións 1 a 12 calcúlase o díxito de control co algoritmo do NIF.»

Sete. Modifícase o epígrafe denominado «tipo de rexistro 3 (rexistro de detalle) (ingresos SIR)» do anexo VII, «Presentación centralizada. Ingresos entidades colaboradoras. Especificacións técnicas. Validacións», que queda redactado do seguinte xeito:

«Tipo de rexistro 3 (rexistro de detalle)
(ingresos SIR)

Tipo de rexistro distinto do 3: grave.

Número de secuencia con saltos na numeración: grave.

Código de modelo distinto de 002, 003, 004, 008, 010, 012, 031, 060, 061 e 069: grave.

Clave de xustificante:

Non se axusta á configuración definida para cada modelo: grave.

Modelo 002: clave de xustificante (13 posicións):

Posicións 1-2: delegación (01-56).

Posicións 3-4: numérico.

Posicións 5-6: valores permitidos: 00 a 12 e 28.

Posicións 7-12: numérico.

Posición 13: carácter de control.

Modelo 003: clave de xustificante (13 posicións):

Posicións 1-2: delegación (01-56).

Posicións 3-4: numérico.

Posicións 5-6: sempre 00920”.

Posicións 7-12: numérico.

Posición 13: carácter de control.

Modelo 004: clave de xustificante (13 posicións):

Posicións 1-2: delegación (01-56).

Posicións 3-4: numérico.

Posicións 5-6: valores permitidos: 70 e 71.

Posicións 7-12: numérico.

Posición 13: carácter de control.

Modelo 008: clave de xustificante (13 posicións):

Posicións 1-2: delegación (01-56).

Posicións 3-4: numérico.

Posicións 5-6: valores permitidos 00922”, 00925” e 00927”.

Posicións 7-12: numérico.

Posición 13: carácter de control.

Modelo 010: clave de xustificante (13 posicións):

Posicións 1-2: delegación (01-56).

Posicións 3-4: numérico.

Posicións 5-6: valores permitidos 00913 a 19”, 00922”, 00925”, 00927” e do 00960” ó* 00965”.

Posicións 7-12: numérico.

Posición 13: carácter de control.

Modelo 012: clave de xustificante (13 posicións):

Posicións 1-2: delegación (01-56).

Posicións 3-4: numérico.

Posicións 5-6: sempre: 00912”.

Posicións 7-12: numérico.

Posición 13: carácter de control.

Modelo 031: clave de xustificante (13 posicións):

Posicións 1-2: delegación (01-99).

Posicións 3-4: numérico.

Posicións 5-6: valores permitidos: 00950, 51 e 59”.

Posicións 7-12: numérico.

Posición 13: carácter de control.

Modelo 060: clave de xustificante (13 posicións):

Posicións 1-12: numérico.

Posición 13: carácter de control.

Modelo 061: clave de xustificante (13 posicións):

Posicións 1-12: numérico.

Posición 13: carácter de control.

Modelo 069: clave de xustificante (13 posicións):

Posicións 1-12: numérico.

Posición 13: : carácter de control.

Xustificante non cumpre rutina carácter de control: grave.

Xustificante non recoñecido polo sistema: leve (excepto modelos 060, 061 e 069).

Data de ingreso ilóxica: grave.

Importe do ingreso:

Igual a cero: grave.

Distinto ó que figura no xustificante dos modelos 002, 004, 010, 012, 031 060, 061 e 069: leve.

Código de sucursal do ingreso descoñecida: grave.
Código de NIF non existe ou con díxito de control erróneo: leve.»

Oito. O anexo VIII “Modelos de autoliquidación o resultado dos cales sexa unha solicitude de devolución e xestionables a través de EE.CC.” queda redactado do xeito seguinte:

Modelo	Denominación	Periodicidade
100	DEVOLUCIÓN IRPF ORDINARIO.	OA
200	DEVOLUCIÓN IMPOSTO SOBRE SOCIEDADES DECLARACIÓN ANUAL.	OA
201	DEVOLUCIÓN IMPOSTO SOBRE SOCIEDADES DECLARACIÓN ANUAL SIMPLIFICADA.	OA
206	DEVOLUCIÓN IMPOSTO RENDA NON RESIDENTES (ESTABLECEMENTO PERMANENTE).	OA
220	DEVOLUCIÓN IMPOSTO SOBRE SOCIEDADES RÉXIME BALANCES CONSOLIDADOS.	OA
300	DEVOLUCIÓN IVE-RÉXIME XERAL (unha vez ó ano).	OA (4T)
311	DEVOLUCIÓN IVE RÉXIME SIMPLIFICADO-DECLARACIÓN FINAL (unha vez ó ano).	OA (4T)
320	DEVOLUCIÓN IVE GRANDES EMPRESAS (unha vez ó ano).	OA (12)
371	DEVOLUCIÓN IVE RÉXIME XERAL E SIMPLIFICADO-DECLARACIÓN FINAL (unha vez ó ano).	OA (4T)
777	DEVOLUCIÓN DECLARACIÓN LIQUIDACIÓN EXTEMPORÁNEAS E COMPLEMENTARIAS.	OA

Disposición adicional segunda. *Referencias normativas anteriores.*

A partir da entrada en vigor desta orde, tódalas referencias contidas en ordes en que se estableza como lugar de presentación das declaracións-liquidacións ou autoliquidacións as entidades que prestan o servizo de caixa nas delegacións e administracións da Axencia Estatal de Administración de Tributaria, deben entenderse efectuadas, en todo caso, nos termos do punto 2.a) do artigo 74 do Regulamento xeral de recadación, na redacción dada a este polo Real decreto 1248/2003, do 3 de outubro.

Disposición transitoria única.

A obriga de subministrar, por petición dos obrigados ó pagamento, o NRC nos casos de ingresos de débedas procedentes de liquidacións de comercio exterior, practicadas pola Administración, que se efectúen directamente nas oficinas das entidades colaboradoras, non será esixible a estas ata o día 1 de abril de 2004.

Disposición derogatoria.

A partir da entrada en vigor desta orde quedan derogadas cantas disposicións de igual ou inferior rango se opoñan a esta e, en particular, a Orde ministerial do 9 de xullo de 2001, que regula os medios de pagamento das débedas de comercio exterior (BOE do 17 de xullo).

Disposición derradeira única. *Entrada en vigor.*

Esta orde entrará en vigor o día 1 de xaneiro de 2004.

Madrid, 11 de decembro de 2003.

MONTORO ROMERO

MINISTERIO DA PRESIDENCIA

23514 REAL DECRETO 1428/2003, do 21 de novembro, polo que se aproba o Regulamento xeral de circulación para a aplicación e desenvolvemento do texto articulado da Lei sobre tráfico, circulación de vehículos de motor e seguridade vial, aprobado polo Real decreto lexislativo 339/1990, do 2 de marzo. («BOE» 306, do 23-12-2003.)

A disposición derradeira segunda da Lei 19/2001, do 19 de decembro, de reforma do texto articulado da Lei sobre tráfico, circulación de vehículos de motor e seguridade vial, aprobado polo Real decreto lexislativo 339/1990, do 2 de marzo, establece que o Goberno, no prazo máximo de seis meses desde a entrada en vigor da dita reforma, procederá a modificarlo Regulamento xeral de circulación, aprobado polo Real decreto 13/1992, do 17 de xaneiro, para adecualo ás modificacións contidas na dita reforma. Este real decreto transcende este mandato lexislativo pois, á parte do seu cumprimento, a magnitude das reformas que precisa o Regulamento xeral de circulación, aprobado polo Real decreto 13/1992, do 17 de xaneiro, aconsella a promulgación dun novo, en que ademais se refundan as modificacións anteriores efectuadas polo Real decreto 116/1998, do 30 de xaneiro, que adaptou o Regulamento xeral de circulación á Lei 5/1997, do 24 de marzo, tamén de reforma do texto articulado da Lei sobre tráfico, circulación de vehículos de motor e seguridade vial, como, así mesmo, o Real decreto 1333/1994, do 20 de xuño, e o Real decreto 2282/98, do 23 de outubro, que modificou o Regulamento xeral de circulación en materia de alcoholemia.

Co obxectivo da adaptación do novo texto á Lei 19/2001, non só se introducen normas en materia de ciclismo e se recollen novas infraccións ou se varía a cualificación doutras, como é o caso do uso de dispositivos de telefonía móbil ou a circulación en sentido contrario, respectivamente, senón que tamén se modernizan outros preceptos en harmonía cunha nova concepción da xestión do tráfico que dispón de medios técnicos de regulación da circulación que a norma ten que facer plenamente operativos.

En materia de ciclismo débese sinalar que a Lei 43/1999, do 25 de novembro, sobre adaptación das normas de circulación á práctica do ciclismo, efectuou unha importante reforma do texto articulado da Lei sobre tráfico, circulación de vehículos de motor e seguridade vial, que, pola súa vez, resultou afectada pola Lei 19/2001, á promulgación da cal houbo que esperar para efectuar un extenso desenvolvemento regulamentario, que agora se leva a cabo.

Isto levou tamén a revisar e actualizar todo o sistema de sinalización, adaptándoo ós avances nos criterios de utilización xeneralizados nos países do noso contorno, mellorando a concordancia entre a normativa de tráfico e a de estradas a este respecto. No anexo I represéntanse graficamente os sinais.

No anexo II regúlanse as probas deportivas, as marchas ciclistas e outros eventos, ata agora regulados polo artigo 108 e o anexo 2 do Código da circulación, preceptos que cómpre derogar reordenando as probas deportivas en torno ó artigo 55 do Regulamento xeral de circulación, que trata das carreiras, concursos, certames ou outras probas deportivas.

Destaca a competencia das comunidades autónomas para autorizar a realización de probas deportivas por vías interurbanas do seu ámbito territorial, tendo en conta